



**Claudii Fleurii Abbatis Historia Ecclesiastica**

Ab anno Christi 1628. usque ad annum 1634

**Fleury, Claude**

**August. Vind. [u.a.], 1778**

**VD18 90118871**

§. 12. Georgius Zeæmannus Præco Campidunensis in Custodiam  
deductus.

---

[urn:nbn:de:hbz:466:1-67394](#)

**Sæc. XVII.** ligio Heidelbergæ, Neostadii, Germersheimii aliisque inferioris Palatinatus oppidis promota est. Hagenoæ etiam integra civitas ad Ecclesiæ gremium rediit, & Spiræ restituta PP. Dominicanorum Ecclesia, civium potissimi se etiam ejurarunt. Francofordienses quoque PP. Capuccinos, & Ratisbonenses Calendarium novum admisere, nec non cum Catholicis mitius agentes, publicas supplicationes tolerarunt. Argentinenses vero Cæfarei editi executionem distulerunt, ne tamen illud a petulanti plebe dilaceraretur, excubias addiderunt: soli Franckendalenses suæ hæresi immortui pertinaciam suam impositis magno numero præfidiariis luce coacti sunt.

### §. XII.

#### *Georgius Zeemannus Præco-Campidunensis in custodiam deductus.*

*Lotich. ver.* *Germ. l. 24.* *cap. 2.* *Arnold. hist. co.* *Hæref. p. 2.* *l. 17. c. 2.* *§. 8.* Cum eodem ferme tempore Georgius Zeemannus Campidunensis Præc. non modo Religionis Catholicæ dogmata, sed & summum Pontificem, Præfules ac Principes Catholicos convitiis, maledictis, & invectivis per plures annos palam in suis seditiosis declamationibus scriptisque amarulentis proscidisse, suisque in libris Jesuitas paullim

passim spurcissimos suitas vocasse accus- Sæc. XVII.  
faretur, Ferdinandus Cæsar pondera- A.C. 1628.  
ta Principum ac Catholicorum querela

Leopoldo Austriæ Archiduci in man-  
datis dederat, ut maledicuum hunc Præ-  
dicantem a Senatu Campidunensi sibi  
tradi peteret; Archidux igitur jussis ob-  
temperaturus, Wolfgangum de Ram-  
merthal & Isaiam de Hohenkirchen  
ad Episcopatum Campidunensem ab-  
legabat, eo sine, ut hi quibusdam e  
Senatu evocatis tam Cælaris, quam  
Archiducis literas Senatui inscriptas  
prælegerent, ac Zeæmannum sibi tradi  
peterent. Tum vero delecti Senatores,  
totius Senatus nomine, enixe roga-  
bant, ut Zeæmannus, cuius maledicta  
inter officii sui partes reputabant, in-  
tra civitatem adhuc remanere permit-  
teretur, sponsione facta, se curaturos,  
ne fuga elaberetur, eumque si criminis  
convictus esset, tradituros. Cum vero  
Delegati eorum pollicitationibus haud  
immerito diffiderent, tandem adhibitis  
etiam minis, ut eis Zeæmannum con-  
signarent, impetrarunt, quem etiam  
versus Ehrenbergium Comitatus Tyro-  
lensis propugnaculum abduci jussere:  
Re percepta Joannes Georgius Saxo-  
niæ Elector hujus Præconis patroci-  
nium suscepit, datisque ad Leopoldum  
Archiducem literis eidem exposuit,

hanc

Sæc. XVII. hanc severitatem erga Ecclesiasticum  
A.C. 1628. Protestantibus minime probatum iri;  
proin rogare se, ut Zeæmannus liber-  
tati redditus, antequam sit damnan-  
dus, caussam dicere ac pristino apud  
suos muneri vacare permitteretur, præ-  
cipue, cum ob cognitam hujus viri  
moderationem, pacisque studium de  
causæ suæ bonitate vix ambigendum  
esset. Hæc Elector in Zeæmanni favo-  
rem perscripserat, qui tamen, *an in per-  
sonalibus vel doctrinalibus deliqueret*, se  
ignorare fatebatur. Pro eodem pari-  
ter Dux Wirtenbergicus, Circuli sue-  
vici Ordines Protestantes unacum Præ-  
dicantis uxore & liberis tam importu-  
nis precibus Cæfarem fatigabant, ut  
hic anno hujus sæculi trigesimo il-  
lum sibi suisque restitui concederet,  
datis ad Leopoldum Austriæ Archidu-  
cem hisce literis: „tametsi hic Præco  
„intuitu calumniarum ac blasphemia-  
„rum in Sanctos Dei, ipsamque anti-  
„quam Catholicam Ecclesiam nostram,  
„eructatarum, legibus omnino vetita-  
„rum, tum quod in Magnates, Præsu-  
„lesque, tam supremos, quam medios,  
„infimosque, tam linguam, quam sty-  
„lum acuisset, adeoque sicut acta, at-  
„que adversaria docent, continentiae  
„terminos excessisset, ut graviori pœna  
„ob hanc enormem prævaricationem,  
„secun-

, secundum imperii constitutiones, di- Sæc. XVII.  
, gnus videretur, nihilominus ad tot, A.C. 1628.  
, tamque præcipuas, pro eo interve-  
, nientes, intercessiones, nobis eous-  
, que satisfieri passi sumus, ut illi libe-  
, ram missionem permittamus. Inte-  
, rim sub cautela, ac fidejussione feve-  
, re admonendus erit, a concionibus  
, deinceps usque ad ulteriorem nostram  
, declarationem abstineret. In primis  
, scripta, verbaque in Sanctos Dei, Pon-  
, tificem Romanum, ceterosque Ca-  
, tholicæ fidei addictos blasphema-  
, prorsus ejuraret. Simul atque, quid-  
, quid ejus generis in Dei Sanctos, Ca-  
, tholicos tam Ecclesiasticos, quam se-  
, culares ordines, injuriose dissemina-  
, fet, partimque ex authoribus aliis  
, collegisset, hoc amplius ne tueretur.  
, Sed reatum, peccatumque suum pro-  
, fiteretur. Deque cetero illi operam  
, daret modestiæ, ne tam ob superius  
, ac præmissum, quam subsequens de-  
, lictum duplicata, eaque vindice ac se-  
, vera poena, sine remissione, coercen-  
, dus veniat.,

, Secundum hæc amice, fraterne  
, ac clementer contendimus, velles  
, præfatum illum Zeemannum Concio-  
, natorem prævia cautione, ac stipula-  
, tione relaxata Custodia impune dimit-  
, tere. Adeoque stipulationem ut post-

, mo-

**Sæc. XVII.** „modum impleat, per tuos severa ex  
A.C. 1628. „lege, ab illo exigere. „

Acceptis igitur hisce literis Zeemannus liber dimittebatur, palam professus, quod in suis Concionibus & scriptis moderationis limites transgressus haud parum aberraverit. Hac autem confessione ceterorum Lutheranorum Præconum invidiam in se concitatbat, eo quod hæc verba interpretarentur, perinde ac si fassus fuisset, quod Religionem Papisticam pro vera & antiquissima agnoverit, Papam pro sancto, se vero pro calumniatore declararit &c.

### §. XIII.

*Templum S. Mariæ de Victoria in  
gratitudinis monumentum a Fer-  
dinando II. Pragæ in Monte  
Albo erectum.*

*Carafa l.c.  
Lotich.  
l. 24. c. 3.  
Meteran.  
Hist. Belg.  
l. 48. Theatr.  
Europ.  
p. 1079.*

Eo tempore, quo Ferdinandus II. Pragæ morabatur, Wallensteinii Principis Legatus unacum octoginta capti- vis, duobus Tribunis, & triginta Centurionibus quinquaginta peditum & quadraginta sex Equitum vexilla Danis erepta Cæsari obtulit, quæ post modum Viennæ in facello Beatae Virginis Lauretano in perpetui trophyæ gratique animi monumentum affixa fuere: Captivi vero Pragæ jure belli ali-